

Ka 'akape'ea te au pītiniti i te tauturu'anga?




Social Cohesion Guide for Businesses

Te turanga toketoke 'enua, i roto i te pītiniti.

E tauturu ana te au pītiniti i te 'akatupu i te turanga 'ātuitui'anga meitaki, i te tauturu i te tangata kia tu toketoke 'enua, te turanga "ārikiriki'ia, kia mātūtū i roto i to ratou 'uā'orāi turanga, ma te tomo ki roto i te 'iti tangata. E 'anga ana te au pītiniti i teta'i 'ākono'anga 'ārikiriki, na roto i ta ratou e rave ana i te ngā'i 'anga'anga, E 'akamāro'iro'i ana ratou i te tangata, kia tomo ngakau-tae ki roto i to ratou 'uā'orāi 'oire tangata, e te au putuputu'anga, na roto i te tutaki'anga i ta ratou aronga 'anga'anga i te 'akamāmā mai i te "apainga". Te 'akaāri mai nei te 'akairo e, e pu'apinga meitaki no te pītiniti, te turanga tūkētūkē, e te turanga 'ārikiriki, mei te 'akatanotano'anga pu'apinga atu i roto i te ngā'i 'anga'anga.

E tūkē ua ake rāi tatou katoatoa, ina ra, te 'inangaro nei tatou i te ora'anga 'oa'oa, i te 'akararangī'anga i to tatou au turanga tūkētūkē, ma te kauraro atu ki teta'i me kare tatou e 'akatika. E mea pu'apinga teia, no te mea, kare te katoatoa e 'irinaki ana e, ka rauka ia ratou i te tu ki runga i to ratou 'uā'orāi turanga, me kore ra, ka rongō'ia to ratou manako.

Te kake 'ua atu nei te turanga tūkētūkē i roto i te basileia, e te tāvini nei ta tatou au pītiniti, i te au putuputu'anga 'oire tūkētūkē. Ka anoano ia tatou kia kimi i te au rāvenga no te 'akarongo'anga, e te rongō'anga ki teta'i i teta'i. Ka 'inangaro tatou i te 'akakoro, kia mārama tatou i te au mea tūkētūkē, e te au mea mātūtū i rotopu ia tatou, ma te kimikimi meitaki i te au mea te ka ta'okota'i ia tatou, e te 'akapiri'anga mou ia tatou.



Te turanga toketoke 'enua

mei te a'a rāi te 'ākara'anga o teia

I roto i te basileia te 'anga'anga meitaki ra te katoatoa, kua kite tatou ia tatou 'uā'orāi, kua kite tatou i to tatou au tangata tupu, e turanga tukatau to tatou i roto i te ngā'i 'anga'anga, tei roto ta tatou 'ānau i to tatou au putuputu'anga 'oire, e te kite e, kua kite tatou i te au ngā'i kimi tauturu, me anoano tatou. Te 'irinaki nei tatou e, ka rauka ia tatou i te komakoma atu ki te aronga kare tatou i mātau, i te tamaki atu, me rongo tatou i te au tuatua kōpae'anga tangata, e te tuatua atu no runga ia tatou 'uā'orāi, te ngā'i no reira mai tatou, e ta tatou au rāvenga. I roto i teta'i manamanatā, kare tatou i 'akangaropoina i teta'i 'ua atu - tei roto te katoatoa

Te 'akatupu'anga i teta'i atu turanga toketoke 'enua – ea'a ta'au ka rave

No reira, ka 'akape'ea tatou i roto i te au pītiniti, i te tauturu'anga i te aronga 'anga'anga, i te aronga 'oko i te au mea tei ma'ani'ia, kia tomo atu ki roto i te turanga toketoke 'enua, te tomo'anga ki roto i te au 'anga'anga, te 'irinaki'anga i teta'i atu, e te turanga 'akangāteitei'ia'anga?

Te turanga toketoke 'enua, te 'irinaki'anga i teta'i atu

- tāmanako'ia te ma'ani'anga kia māmā ake te kimi 'anga'anga, na te au putuputu'anga tūkētūkē.
 - 'akakitekite'ia te au 'anga'anga na roto i te au 'ātuitui'anga 'oire, te au putuputu'anga, na runga i te au turanga rātiō, te podcasts, te au 'ātuitui'anga karere 'oire tangata, te au tū nūtipēapa tūkētūkē, e te au porokarāmu tīvī tei 'akakoro'ia no teta'i anake aronga mātakitaki.
- tāmanako'ia te tomo'anga ki roto i te au turanga tauturu, e te au 'apinga te ka 'ōronga'ia.
 - me e rave'ia ana ta'au pītiniti na runga i te 'ātuitui roro uira, te tau āinei no te aronga kare e kite meitaki ana? Me tei te ngā'i 'aere'ia e te tangata to'ou toa, me kore ra, 'ōpati, te tau āinei no te aronga kare e 'aere meitaki ana, no te tomo atu?

Te tātomo'anga i te turanga tūkētūkē, e te turanga 'akangāteitei'ia'anga


- 'akaperepere'ia te turanga tūkētūkē o te aronga 'anga'anga, ma te 'anga i te au rāvenga turu i te turanga tūkētūkē.
 - 'ākara'ia atu te au tāmataora'anga, e te au putuputu'anga 'inangaro'ia e ta'au aronga 'anga'anga, aruaru'ia ratou kia 'apai mai i te katoa'anga o to ratou turanga ki te 'anga'anga, ma te pati atu i to ratou manako no runga i te 'akapapa'anga i te au mea i roto i te 'akateretere'anga i te 'anga'anga

turu'ia te aronga 'anga'anga kia mātau ia ratou 'uā'orāi (whakawhanaungatanga).

- akano'ono'o'ia teta'i taime i roto i te rā, me kore ra, i te 'epetoma, no te 'akaputuputu'anga ei pupu 'okota'i, me kore ra, ei au taeake 'anga'anga, no te 'akamātau'anga i teta'i ki teta'i. Ka tau pa'a teia i te tuātau kapu tī i te popongi avatea, me kore ra, i te tuātau kapu tī i te avatea a'ia'i, me kore ra, ei tu'anga o teta'i rā pītiniti kare ra, i te ngā'i 'anga'anga
- aruaru'ia te 'anga'anga pu'apinga rava atu, na roto i te 'oronga'anga rē no te turanga matūtū o te pītiniti i te au mataiti ravarai; tei roto te 'akaperepere'ia'anga te au rāvenga tūkētūke, e te 'akararangi'anga i te au ngā'i 'anga'anga 'ārikiriki.

Te turanga 'ātuitui'ia

- kimi'ia atu ma te aruaru i te komakoma'anga ki roto i te au 'oire tangata, te ka tu'atu'a mai pa'a i to ratou au mānako'anga, i te 'akatupu i te mārama'anga.
- tā'anga'anga'ia te au pupu 'ākara matatio no te vāito i te au 'apinga 'ōu, e te au turanga tauturu, ma te kimi atu i te au pupu tāto'u'anga, mei roto mai i te au 'oire tangata tūkētūkē.



Te tomo'anga ki roto i te au 'oro'oro'anga

- 'akano'ono'o'ia teta'i atu 'ārāvei'anga i te au 'ātuitui'anga aronga 'anga'anga, e te unions
- 'akapāpu meitaki kia kite te aronga 'anga'anga i to ratou 'uā'orāi tika'anga:
 - Tukuna'ia te 'akakitekite'anga no runga i te tika'anga i roto i te turanga 'anga'anga-moni, ki roto i te au puka-'aka'ārāvei'anga, ki roto i te au uipā'anga a te aronga 'anga'anga, e te au 'ātuitui roro uira o te 'anga'anga.
- turu'ia te aronga 'anga'anga kia tomo ki roto i te au putuputu'anga peu 'enua, 'oire, basileia, e te kōpu tangata.
 - aruaru'ia, me kore ra, 'akararangi'ia te au rāvenga peu 'enua, 'oire, me kore ra, basileia ki roto i te 'ōpati. Ka tau pa'a teia, na roto i te putuputu'anga kapu tī i te popongi avatea, me kore ra, i te putuputu'anga kapu tī i te avatea a'ia'i.
 - Aruaru'ia te aronga 'anga'anga, kia no'o ki te kainga, no te au putuputu'anga kōpu tangata, e te au tāmataora'anga peu 'enua, me kore ra, o'ire.
- aruaru'ia te au pītiniti kia rave atu i te aronga 'anga'anga 'ōu mai ki roto i te basileia – te tauturu i te 'akate'ate'amamao'anga i te tātā CV, te terēni'anga tau, e te tauturu kia rauka te pēapa 'aka'oro, e te 'anga'anga pu'apinga, ma te āru atu no te turuturu'anga
- aruaru'ia te au pītiniti kia rave atu i te aronga 'anga'anga māpū – te tauturu i te 'akate'ate'amamao'anga i te tātā CV, te terēni'anga tau, e te tauturu kia rauka te pēapa 'aka'oro, e te 'anga'anga pu'apinga, ma te āru atu no te turuturu'anga
- aruaru'ia te au pītiniti kia rave atu i te aronga pakipakitai – te tauturu i te 'akate'ate'amamao'anga i te tātā CV, e te 'anga'anga pu'apinga, ma te āru atu no te turuturu'anga
- 'akatupu'ia teta'i porokarāmu mei te Chamber Drive rāi – te turu ra i teta'i 5000 tangata, kia rauka ta ratou pēapa 'aka'oro. Mei te tārē'anga e 'itu, te 'irinaki'anga e ka tū teta'i e pēapa 'aka'oro tōna, i te 'anga'anga.

- 'akatupu'ia te au porokarāmu turuturu i te aronga 'anga'anga i roto i te pītiniti, i te turu i te tangata e mānganui e 'inangaro nei i te 'akamata i ta ratou 'uā'orāi pītiniti.
- 'ōronga'ia teta'ī turanga 'oko māmā, me kore ra, tutaki-kore, no te au 'ona pītiniti, i te 'o'ora'anga i te au turanga 'anga'anga, na roto i teta'ī atu au putuputu'anga pītiniti, e ta ratou au 'atuitui'anga roro uira.
- 'ōronga mata-ki-te-mata, na runga i te 'ātuitui roro uira, e te au putuputu'anga māmā i te tomo ki roto, e te au 'oro'oro'anga o te au pītiniti, kia 'anga'anga, ma te 'ātuitui ki roto ia ratou 'uā'orāi, e to ratou au putuputu'anga 'oire.

